

ШўМ-ЧОН ЦЗОЛЫК

МАРИЙ ПРАВОСЛАВНЫЙ ЖУРНАЛ 10-шо (138) №, 2024 ий октябрь

Йошкар-Оласе да Марий Элысе Высокопреосвященнейший митрополит Иоаннын благословитлымыже почеш



ПАША ЛЕКТЫШЫМ АКЛЕН, ОНЧЫКЫЛЫК КОРНЫМ РАШЕМДЕНЫТ

Черке У ий тўналме жапыште, сентябрь кыдалне, Марий митрополийыште кажне ийын Епархиальный погынымаш эрта.

Йошкар-Олан да Марий Элын митрополитше Иоаннын вуйлатыме тыгай погынымаш 19 сентябрьыште Йошкар-Оласе Православный рўдериште лийын. Тушко приходла гыч духовенство ден прихожан-влак, епархиальный пўлка-влакын пашаенгышт толыныт. Тылеч ончыч нуно Ежово селесе Мироносиц ўдырамаш монастырьыште Юмын литургийым служитленыт.

Епархиальный погынымашым почмыж годым владыка Иоанн Священный Синодын пытартыш жапыште лукмо пунчалже-влак дене палдарен. Тыгак тудо Руш Православный Черкын да Йошкар-Оласе епархийын илышыж гыч икмыняр кугурак фактым каласен. Мутлан, Черке У ий тўналме жаплан мемнан епархийыште 8 черке округ да тюремный храм-влакын ик благочинийышт уло. Нуно 79 приходым да 2 монастырьым ушен шогат; 5 воинский да эше 5 тюремный храмым шотлаш гын, чылаже 109 храм уло. Клир 102 священник да 17 диакон гыч шога. 55 рушарня школ гыч кудытышкыжо кугыен-шамыч тунемаш коштыт, молышкыжо – йоча-влак. Идалык жапыште 2 храмым да 2 часамлам святитлыме.

Владыка вес кугу темымат тарватен. 2024 ий Российыште Ешын идалыкшылан шотлалтеш, сандене ешын пиалан илышыж верч тыршынамашым кугыжаныш кўкшытыш нўлталме. Шўко шочшан

кугу еш-влаклан экономический польш пуалтеш. Еш илышым да шочшым ончен куштымашым Юмо Шке суапландарен, священник-шамыч тидын нерген эре умылтарышаш улыт. Мўшкыран ўдырамаш неле ситуацийыш логалын гын, азам ынже кудалте манын, тудлан тўрлў семын полшыман. Ен-шамычлан кагашым пуымышт годым священник-шамыч шкештат шонен моштышо лийшаш улыт. Нунын тўн пашашт – калыкым Юмо деке кондымаш. Юмылан ўшаныше егын илышыже ончыкыжым шот дене каяш тўналеш.

– *Черкыш пашам ышташ толшо егын чылажат молитва дене ышталташ, посна священнослужитель-шамыч шокшын кумалшаш улыт. Молитва формальный лийшаш огыл, тудым служебный обязанность семын ончаш ок лий. Господь деке виктаралтше молитва пастырьын шўмыштыжў эре йўлышаш, тиддеч посна священник шке призванийжым йомдара. Кеч-могай поро пашам ыштена гынат, чылажымат молитва дене ыштыман, тунам гына тудо Юмылан йўрышў лиеш,* – туныктен ойлен владыка.

Погынымаште Оршанке черке округын пашаж нерген протоиерей Димитрий Вылекжанин каласкален, а Медведевысе нерген – иерей Александр Козлов. Тыгак епархийысе икмыняр пўлкан пашаж нерген отчетым колыштво. Перерыв деч вара священнослужитель-влак погынымашым посна шуеныт.

ВАШ ЙӖРАТЕН ИЛЫЗА!



Ежово селасе Мироносиц монастырьын Ик приделжым Иоанн Предтече лүмеш святитлыме, сандене Йошкар-Олан да Марий Элын митрополитше Иоанн ты святойым шарныме чыла кечынат тушто лияш тырша.

Господь ончыч Толшо да Тудым Тынеш пуртышо Иоаннын вуйжым руалмым шарныме кечын, 11 сентябрьште, владыка ты обительыште Юмын литургийым вүден. Тудын дене пырля Йошкар-Оласе Серафим Саровский лүмеш храмын настоятельже протоиерей Александр Бачурин, ты монастырьын клирикше иерей Михаил Лежнин да протодиакон Михаил Козловский служитленыт. Черке мурым «Благовест» хорын изирак составше мурен, нуным регент Надежда Поздеева вуйлатен.

Иоанн Предтечин вуйжым руалмым шарнымаш – тиде уло Российыште айык йулам кучымо кече. Причастий деч ончыч Александр ача мирян-влаклан ты кече шотышто Москон да уло Русьын Патриархше Кириллын серышыжым лудын. Литургий деч вара Иоанн Предтече лүмеш часамла деке крестный ход дене каеныт да вүдым святитлыме молебеным эртареныт. Туныктен ойлымыж годым владыка Иоанн ожно лийше осал паша нерген каласкален. Ирод кугыжан пайремышкыже шуко лүмлө ег погынен. Тунам Ирод, законом шотыш налде, изажын пелашыж дене вате-марийла ила улмаш. Тидлан көра Иоанн Предтече нуным чот шылтален. Иродиада үчым шукташ шонен. Тудын Саломия үдыржын куштымыжо чылаштан пеш келшен. «Мом шонет, тудым йод, чыла ыштем», – манын утыждене подылшо кугыжа. Иродиада үдыржылан Иоанн Предтечин вуйжым йодаш күштен – да тыгак ыштеныт.

– Святой Черкын таче шарныме шучко событий кок тўжем ий ег-шамычын чоныштым туржеш. Вет чылажат йўшывуя ышталтын. Кызытат кажне айдеме йодын кертеш: молан тўняште тиде осал койыш ок пыте? Молан ег-шамыч шке ылышыштым локтылыт? Черке тиде



кечын пенгыде пўтым кучаш да аракан осалыш шуктымыж нерген шоналташ күшта. Йўшӧ айдемын озаже ия лиеш, шонен шудымо осалым ышташ тудак тарата. Тыгай вуйлатыше деч сайым вучен шуктет мо? Ача-ава-шамычланат тиде - кугу урок. Йочам шотдымо паша да куштымашлан туныктымо олмеш сай пашалан да Юмо деч лўдаш туныктыман. Вате-влакланат шоналтыман: Господь нуным айдеме тукымым шуяш ыштен, а шке көргыштӧ улшо йочам пуштедаш огыл. Ме шке ушдымо йылмына денат пуштеден кертына. Илышыште могай саскам кондена, тудын верчак судитлыме лийына. Сай да осал шонымаш але паша шке шўмна гычак лектеш. Таче Иоанн Предтече мемнан деч туран йодеш: молан те сулыклан тарзыланеда? Вет вўд дене тынеш пуртымыж годым тудо эше сулык верч ӧкынымӧ таинствым ылышыш пуртен. Сулык верч ӧкынымашым кокымшо тынеш пурымашлан шотлат, вет тудо шинчавўд дене чоннам мушкеш да эрыкта. Сулыкым ыштенда гын, исповедьыш каяш вашкыза. Шке коклаштыда тынысын ылыза. Вет диавол кызытат чыланыштым сырен, үчым шуктен илаш тарата, сандене тўткӧ лийза. Господь мыланна сулык касарымашын омсажым почшо, ваш йӧратен илаш полшыжо, – каласен владыка Иоанн.



«АЙЫК ИЛЕ, МАРИЙ ЭЛ!» АКЦИЙ ЭРТЕН

Господьым Тынеш пуртышо Иоаннын вуйжым руалмым шарныме кечын Йошкар-Олаште ятыр сай паша шукталтын.

Воскресенский соборышто эртыше Юмын литургий деч вара крестный ход лийын. Тудым Йошкар-Оласе епархийын Айык илаш полшышо Православный обществыжым вуйлатыше священник Андрей Кочаков вуден. Ты обществын енге-влак Юмын Аван «Йуын пытарыдыме Чаше» («Неупиваемая Чаша») иконыжын польшыжлан энгерат. Ырес дене ончыч Изи Какшан сер воктеке Эреак Удыр Мария лумеш площадьыш толыныт, тыште Евангелий гыч пайремлан келшыше ужашым лудыныт. Вара апостол-влак дене төр улшо святой Мефодий ден Кириллын памятникышт дека миеныт. Батюшка святой вудым чаманен огыл, чылаштымат Юмын порылык дене сайын леведын. Воскресенский соборыш пörтылмеке, молебеным служитленит: арака йүмө, наркотик, тамак да игроманий дене аңыргыше-влаклан Юмын польшым йодыныт. Тыгай чер дене орланыше-влакым да нунын лишыл егыштым Андрей ача Господьын польшыжлан энгерташ да чот кумалаш ұжын.

Ты кечын Йошкар-Олаште «Айык иле, Марий Эл!» акций кумдан эртен. Тудым Йошкар-Оласе епархий ден Марий Элыште самырык-влаклан полшаш тыршыше түрлө организаций-

Православий рүдереысе преподобномученице кугу княгине Елисавета лумеш черкыште кенгеж каныш деч вара марла Юмын литургийым угыч служитлаш тўналме.

Службо Йошкар-Олан да Марий Элын митрополитше Иоаннын благословитлымыже почеш шочмо еда 8 шагат эр гыч кок арнялан ик гана эрташ тўналеш.

Каныш деч вара икымше Литургийым 23 сентябрьыште Йошкар-Оласе Успенский храмын клирикше иерей Олег Михайлов вуден. Черке мурым регент Любовь Торощинан вуйлатымыж почеш милосердий ака-шўжар-влакын миссионер хoryшт мурен.

Преподобномученице кугу княгине Елисавета лумеш черкыште вес службо 7 октябрьыште лиеш. Шочмо марий йылмына дене Юмылан кумалаш чыладам Православий рүдереыште вучена. Адресше: Йошкар-Ола, Вознесенский

влакын пашаенгышт ямдыленит. Каныме паркын рүдө аллеяштыже паша шолын. Тыште викториным, спорт тангасымашым да эше түрлө модышым эртареныт. Психолог, врач-нарколог да священник деч ойым йодаш йон лийын. Иерей Андрей Кочаков «Чон почын мутланена» манын лүмдымө интерактивный площадкыште ятыр йодышлан вашештен, сай кангашым чумырымо шарныктышым пуэден. Православный доброволец-влак да нунын вуйлатышышт диакон Владимир Лихачев самырык-влакым «Йоча – тиде уло тўня!» модышыш ушеныт. Кандаш станций лийын: туштылан вашмутым пуаш, ребусым палаш, келшыше мутым муаш, городки дене чын модаш, кагаз гыч оригами йон дене мотор фигуркым ышташ кўлын. Кыдалаш ийготан йоча-шамыч модышыш кумылын ушненыт. Финиш марте шушо команде-влаклан пөлек шотеш православный ұшанымаш нерген книга пуэденит.

Йыргешке ұстел коклаште чайым йўын, пашалан шушо молодежь дене мутланыме годым батюшка Андрей Кочаков айык йўла обществын опышто дене палдарен. Тыгак тудо психолог да социальный педагог-шамычын «Доверий» рүдереыште эртыше семинарыштышт йодыш-влакым кангашымаште лийын.



урем, 81-ше номеран пöрт.

Ушештарена: марла Литургий тыгак Йошкар-Оласе Благовещений соборышто рушарня еда да кугурак черке пайрем кечылаште эртаралтеш. Службо эрдене 6 шагатат пелылан тўналеш.

ПАЙРЕМ ШҰЛЫШАН КРЕСТНЫЙ ХОД



Ырес дене коштво йўла пеш ожнак илышыш пурен. Тудо вер да кужыт шот дене тўрлў лиеш.

Юмын Аван Мироносицкий иконыжо дене коштмаш мемнан кундемыште шукертак, эше 17-ше курымыштак, негызлалтын. Тений тудо латик кече шуйнен. Ончыч тиде юмоҥа нерген икмыняр поро шомакым каласен кодыман, вет тудо Марий кундемын ик эн палыме святыныже. 1647 ий шошым, Царевokokшайск ола деч 15 уштыш тораште, Андрей лўман христианин пасум куралын да мландымбалне изи иконын волгалтмыжым ужын. Кў ўмбалан Юмын Аван да миром кондышо ўдырамаш-шамычын тўсыштым ончыктымo улмаш. Вара тиде юмоҥа ўрыктарыше шуко полыш дене чапланен, ты верыште чўчкыдын чаҥ йўк шоктен да шуко чудо лийын.

Алексей Михайлович кугыжа тудым Моско олаш намияш да Юмын Аван Владимирский иконышкыжо вераҥдаш кўштен. Йырже «клеймо» манме изирак сюжет-влакым ешаренит. Тушто ончыктымo сўрет-влак гоч юмоҥан историйже палдырнен. Кушто муыныт, кузе тудым пагалат, калыклан могай чудым ыштен – чыла тидым ужаш лийын. Кок ий гыч иконым пўртылтенит да тудын кончымо вереш чоҥымо Мироносиц обительыште араленыт. 1920-шо ийлаште ты юмоҥам йомдареныт, монастырьым петыреныт. Кодшо курым мучаште тудым шотыш конденит да 1994 ийыште уэш починыт. Мироносицкий иконын чудым ыштыше спискыже кызыт тыштак аралалтеш, но «клеймо» манме сўретше-влак уке улыт.

Юмын Аван Владимирский иконыжым вашлийме кечын, 8 сентябрьыште, Ежово селасе Мироносиц монастырьыште Юмын литургийым Йошкар-Олан да Марий Элын митрополитше Иоанн вўден. Тудын дене пырля иерей-влак Димитрий Дьяков ден Михаил Лежнин да Йошкар-Оласе храмла гыч толшо духовенство служитленыт. Крестный ход

тўналме кечын кужу корным – Ежово гыч Семеновко села марте – эртат. Тыгай подвиглан ямде улшо шуко калык погынен.

Ырес дене кайыше-влакым суапландарымыж годым владыка Иоанн каласен: «Юмын Эн яндар Аваже Шкенжын марий мландыжым святитлаш лектын. Тудын ўшанле шочшыжо-влак семын меат почешыже каена, Тудын святой эрыкшым да Эн йўратыме Эргыжын кўштымашыже-влакым шукташ тунемына. Корнышто архангел-шамычын мурыштым мурена: «Юмын Шочыктышо ўдыр, йывырте, Поро Пўрымашан Мария, Тый денет Юмо...».

Кас службым Семеновко селасе Юмын Аван Шочмыж лўмеш храмыште эртареныт. Тиде кастенак Йошкар-Оласе Тумер кундемыште верланыше Серафим Саровский лўмеш храмыш каеныт. Корнышто Туруново шўгарлаште улшо Чыла-святой-влак лўмеш храм воктене шогалыныт да колышо-влак верч литиям служитленыт. Эрлашыжым, 9 сентябрьыште, Серафимовский храмыште эртыше Юмын литургий деч вара кугу тўшка калык Юмын Аван Тихвинский иконыж лўмеш храмыш каен.

Шуко еҥ илыме верла гоч эртыше Крестный ход сотемдарыше виян. Черкыш коштшо-влак Юмын Аван иконыж йымач эрташ вашкат, а черке омса лондемым вончыдымо енышт Юмылан ўшаныше-влакын тынар шуко улмыштым ўрын ончат. Юмын Аван порылыкшо нунын чоныштымат пушкыдемда манын ўшанена.

Кас службым ты храмын настоятельже



протоиерей Евгений Кутырев эртарен, ег-влакым святитлыме елей дене шүрен. Тарханово кундемсе Юмын Аван «Чыла ойган-влакын Куанышт» иконыж лүмеш храмыш каяш тарваныме годым чылаштым святой вүд дене чывылтен. Умбакеже корно Медведево селаш, Краснооктябрьскийыш, Нурмаш, тушечын мөнгеш Йошкар-Олашке шуйнен. Чыла кечынат чон йывыртен чүчкен, кажне храмыште черке службо, молебен эртен.

Эн йомартле Юмын литургий Черке У ий кечын, 14 сентябрьыште, Йошкар-Оласе Благовещенский соборышто лийын. Владыка Иоанн дене пырля ты соборын ключарже протоиерей Сергей Поглазов да тысе клирик-влак служитленит. Юмын литургий деч вара ег-влак кугу вүдйогын семын Йошкар-Оласе Успенский храм вельш тарваненыт. Тыге тўшкан кайыме годым Юмын куатшым, Юмын Аван полышыжым чот шижат.

Калык шуко улмылан көра Черке У ий лүмеш молебеным Успенский храм ончылно служитленыт, Юмын Авалан молитвам лудыныт. Владыка Иоанн чылаштым саламлен ойлен: «Чыла чонаным Ыштыше, жап ден ий-влакым Шке эрыкыштыже кучышо Господь Шке порылыкшын идалык шўдышыжым суапландарыже. Юмын Аван кумалмыж дене Шке калыкшым да уло мландынам тынысыште аралыже да мемнам утарыже».

Эрлашыжым, 15 сентябрьыште, Муромысо святой благоверный князь Петр ден княгиня Феврониям шарныме кечын, владыка ты храмыштак Юмын литургийым вүден, шке көргө йўкшым колышт илаш күлмө нерген туныктен ойлен. Ырес дене коштшо-влакым ончылно Троицкий храм вучен.

Эше икмынар шомакым ура чонан ег-влак нерген каласыме шуэш. Кажне ийын эртыше ты Крестный ходыш каяш южышт лўмын отпускым налыт. Тора район гыч, асфальт корно деч ятыр километр умбалне улшо ял гыч, толшо мариий ўдырамаш деч «Кажне кечын коштат мо?» манын йодым. «Уке, мыланем кече коден мөнгыш казам лўшташ кошташ логалеш», – мане. Южыжлан тиде мыскара семын шокта гынат, куанен өрат. «Мариий калыкым виеш тынеш пуртеныт» манын ойлышо-влаклан пеш сай вашмут. Святой Шўлышын порылыкшым мариий ег ожнат шижын, кызытат шижеш, икмынар егын шояжлан верч ятырышт пычкемыште йомын коштыт.

Троицкий храм ден Воскресенский соборышто службо лийме деч вара, 16 сентябрьыште, Юмын Аван Мироносицкий иконыжым Йошкар-Ола гыч Пурсанур села марте ужатен нангайышт. Рвезыже-шонгыжо, изиже-кугужо – нигонат чеверласымыже шуын огыл. Пурсанур гыч Азановыш, тушеч Ежово селасе Мироносиц монастырь марте миен шушо ег-влакын фоткыштым епархийын сайтыштыже ончем да шуко палыме егым ужам. Ынде чыланат иктым веле йодына: «Юмын Шочыктышо ўдыр, Поро Пўрымашан Мария, мыланна вес ийынат Тыйын пеленет тыге йывыртен кошташ йоным ыште!»

А. ЧЕМЕКОВА

ЙОДЫШ-ВАШМУТ



Пытартыш жапыште черле аза шуко шочеш, да ача-ава-влак нунын деч утлаш, нуным кугужанышлан пуаш тореш огытыл. Чўккыдынак авалан тыгай йочам эмлымверешак кодаш темлат. Тыгай ситуацийыш логалше ача-ава-влаклан мом каласеда ыле?

Йошкар-Олан да Мариий Элын митрополитше Иоанн вашешта:

– Йоча – Юмын пөлекше. Кажне гана, кунам ме черле йоча дене тўкнена, шкаланна йодышым пуышаш улына: «Йочан черле шочмыжлан ме шке титакан огынал дыр?»

Священный Возьмаште тыгай ой уло: «Ача-влак виноградым кочкыныт – шочшыштын оскомина». (Оскомина – тиде кунам шере, шокшо, йўштө пўйыш чот логалыт. – Ред.) Йоча-влак пеш чўккыдын ача-аваштын сулыкыштан мутым кучат. Тиде кугу таинствылан – у айдемым шочыкташлан – ача ден ава кузе ямдылалтыныт? Тудо Юмо деч йодын кумалме икшыве але ушдымо языкын саскаже? Ача ден ава (поснак ава) мўшкырыштө кийыше падырашыштым араленыт мо? Мўшкыран ўдырамаш шала илышым илен, языкым ыштылын огыл чай? Вет аярым кочкын темше але йўшывуя ыштыме икшыве таза ок лий.

Адакше чер тукым гыч тукымыш ген денат куснен кертеш. Но йоча шочын гын, тудо Юмын пөлекше. Таза мо але черле – ава, шке языкшым касараш манын, шочшыжым йөрарен, шыматын ончен куштышаш, тудлан уло шўм-чонжым пуышаш.

Янлык шке игыжым кудалта мо? Нигунам! А ме языкан койышна дене кокланже тугайым ыштыл пытарена, эсогыл вара шкежат өрына. Черле шочшым ончымыж дене ава шке илышыжым, тўняумылымашыжым тёрлата. Мый ынде нылле ий наре ег-влак дене вашлиям да ужам: черле йоча-влак могай яндар чонан, почылтшо шўман, йөрарен моштышо улыт. Нуно шке ача-аваштым воспитыватлат – шинчалан койдымын, шке койышышт, чон яндарлыкышт дене – ача-аваштат вашталтыт, йөршеш весе лийыт.

Илышын законжым пудырташ огеш лий. Ава эреак ава коदेश, сандене шке шочшыжымат лач тугай закон почеш приниматлышаш, могайым тудлан Юмо пөлеклен. Шонгеммекеже, йочаже пенгыде энгертыш лийже манын, тудым мўшкырыштө кийымыж годымак туныкташ тўналшаш, шке языкшым касарышаш верч.

МОРКО ЧЕРКЫШТЕ – ПРЕСТОЛЬНЫЙ ПАЙРЕМ



Черке 30 сентябрьште святой орланыше Вера, Надежда, Любовь да нунын София аваштым пагален шарна.

Тиде кечын Морко посёлкысо Юмын Кончымо лүмеш черке престольный пайремжым палемден. Юмын литургийым Волжск ден Шернурин епископшо Феофан вуйлатен. Епископ Феофанлан служитлаш ты черкын настоятельже протоиерей Леонтий Очетов, Волжск олесе Юмын Аван «Чыла ойган-влакын куанышт» иконыжо лүмеш черкын настоятельже протоиерей Александр Михайлов, Арын селесе Христос Шочмо лүмеш храмын настоятельже протоиерей Николай Чузаев, Шенгше селесе Юмын Аван Казанский иконыжо лүмеш храмын настоятельже иерей Евгений Шамаев, Памар селесе Святой Троице лүмеш черкын настоятельже Сергей Петров, Волжск олесе Никольский кафедральный соборын клирикше-влак иерей Герман Михайлов ден диакон Иоанн Захаров полшенит. Черке мурым Озангысе духовный семинарийын студентше-влак йонгалтаренит.

Пайрем службо деч вара черке йыр Крестный ход лийын. Тений алтарынын урем могырысо пырдыжешыже мозаике гыч ыштыме Юмын



Кончымо лүмеш у иконын верандыме. Владыка Феофан архиерей чин дене тудым святитлен.

Юмын литургий деч вара епископ Феофан прихожан-влакым орланыше Вера, Надежда, Любовь да нунын София аваштын святой илыш корнышт дене палдарен. Мыланнат Юмын корнышто нине изи святой ўдыр-влак ден авашт семын пенгыдын шогаш Юмо полшыжо манын сугыньлен. Юмылан йӱрышӧ пашаште кугу тыршымашым ончыктышо-шамычым архиерейын грамотшо да тауштымаш-влак дене палемден. Тыгак тудо Морко черкын настоятельже Леонтий ачалан таум ойлен да пайремыш толшо чумыр калыклан тауштен.

Мучашлан Рушарня школын йочаже-шамыч да кугурак-влакын хорышт пайрем концертым ончыктенит.





Марий Элыштына 17-24 сентябрьште «Спас» телеканалын группжо «Российын святыныже-влак. Марий Эл Республик» передачым войзеныт. Группым режиссер Роман Ганган вуйлатен.

Кö «Российын святыныже-влак» проектн кеч ик серийжым ончен, тудын вес кундем нерген эше пален налмыже шуэш. Вет кажне гана телепаломник семын шочмо элнан иктаж кундемшытыже лият, вұдышыжö, палыме мурызо Виктория Макарскаян, тусо святыне-влак нерген каласкалымыжым колыштат. Тыгак тудо шуко кангашым пуа: кузе святой верыш миен шуаш, кушан верланаш, кушто шулдын да тамлын кочкаш – чылажымат умылтара. Мемнан дене тыгай уна-влак шуэн лийыт, сандене «Шүм-чон изолык» журналыштына группын пашаже нерген возен кодена.

Икымше кечын, 17 сентябрьште, съемко Йошкар-Оласе Благовещенский кафедральный соборышто эртен. Йошкар-Олан да Марий Элын митрополитше Иоанн ты соборым кузе чонгым нерген каласкален, ятыр святойын мощыштым аралыме ковчег да кугун пагалыме юмога-влак дене палдарен. Кечывал деч вара Йошкар-Оласе епархиальный управленийысе Юмын Аван «Троеручице» иконыж лүмеш храмыште лийыныт. 1993 ийыште, ты юмогам пагален шарныме кечын, Руш Православный Черкыште 100-шö епархий почылтын – тиде мемнан Йошкар-Оласе да Марий Элысе епархийна. Храм пырдыжысе сүрет-влак ты юмоган историйже дене палдарат. Тыште священномученик Сергей Стрельниковын мощыжо аралалтеш. «Öрыктарыше чудо-влакым утыжде кычалман огыл, уке гын духовный прелесть манме поргемыш шунгалташ лиеш», –



ШИНЧАНА ПОЧЫЛТШО, ШОНЫМАШНА ВАШТАЛТШЕ

уна-влаккан шижтарен ойлен владыка Иоанн.

Съемочный группо 18 сентябрьште Ежово селасе ўдырамаш монастырьыш миен. Юмын Аван «Мироносицкий» («Царевококшайский») иконыж дене латик кече ончыч тышеч тўналше крестный ходын пörтыл толмыжым ужаш пеш сай йөн лийын.

Эрлашыжым Килемар районышто верланше пörьен монастырьыште – Богородице-Сергиев пустыньыште – лийыныт. Чодыра лонгасе йомак тўняш логалыныт.


20 сентябрьште Волжск оласе Свято-Никольский кафедральный соборышто уна-влакым Волжск ден Шернурын епископшо Феофан вашлийын. Владыка ты соборым чонгым историй да тушто аралалтше святыне-влак дене палдарен. Вара Юл энгерыш катер да моторан пуш дене лектыныт, ончыкылык фильмыште кучылтшаш материалым сниматленыт.

Юмын Аван Шочмо кечынже, 21 сентябрьште, съемочный группо Волжск район Пöтьял селасе святитель Гурий Казанский лүмеш храмыш миен. Тыште служитлыше иерей Димитрий Карпетченко нунылан святой праведный Иоанн Кронштадтскийын благословитлымыж почеш чонгым ты храм нерген каласкален. Тысе тўн святыне-влакын – Юмын Аван Смоленский-Седмиезерный иконыжын спискыж ден Господьын чудым ыштыше Ыресшын тышке кузе öрыктарышын логалмышт нерген ойлен. Вара чыланат преподобный Серафим Саровский лүмеш памашыш миеныт.

Курыкмари район Сумки селаште служитлыше 96 ияш батюшка Иоанн дене вашлиймаш Виктория Макарскаян чонжымак тарватен. Түрлö кундемла гыч толшо ег-влак тыште тылзе дене илат. Ты ганат кок автобус дене калык толын улмаш. Батюшка кажнышт дене мутланен. «Российын святыныже-влак» передачылан интервьюм пуымыж кокла гычак вұдышыжö Виктория Макарскаялан шкаланжат кангашым пуэн – тидыже ўдырамашым чот öрыктарен.

Вашке лекшаш телепередачыште Козьмодемьянск ден Юрином ужын кертына. Тыштак илена, а шуко святыныжым але марте күлеш семын аклен огына мошто. Шке кундемна нерген Россий кўкшытан фильмым ончен, ала шинчана почылтеш да шонымашна вашталтеш?!





Куженер район Изи Чарнур ял калыкын Пылпомышто ынде шке святойжо уло – тиде святитель Спиридон Тримифунтский.

Куженер селасе Никольский храмын настоятельже протоиерей Вячеслав Михайлов 22 сентябрьште тысе памашым да чонен ямдылыме оралтым святитлен. Никольский храмыште эртыше Юмын литургий деч вара прихожан-влак Куженер села гыч Изи Чарнур марте крестный ход дене толыныт. Ял воктенысе памаш вудым святитлыме молебеныш верысе калык да паломник-влак шукын погыненыт. Святитлышаш вер чынжымак чоным куандарыше лийже манын, тысе калык кенгеж гоч тыршен. Шуко паша шукталтын: корным ыштеныт, йўштылаш кок пөлеман купельым чоненыт да электротулым пуртеныт, каналтен шинчаш беседке уло, вудым налаш верым йөнештареныт. Мастер ег Василий Кушнирик изи скульптурым – Спиридон Тримифунтскийын йолчиемжым (башмачокшым) ямдылен. Молебен деч вара чыланаштым шокшо чай вучен, вет игече йўштырак лийын гынат, шукушт святитлыме памаш вудеш чывылген лектыныт.

Тыгай кугу пашам шуктышо Чарнур калыклан ынде 4-ше курымышто илыше епископын, чудым ыштыше святитель Спиридонын, илыш корныжо да öрыктарыше пашаж-влак нерген сайын пален налаш күлеш. Тудын капше кызытат шокшо кия, а йолчиемжым кажнейын вашталтат, вет калыклан полшаш коштмыж годым тудо тоштемеш. А ме, «Шўм-чон изолык» журналын пашаенже-влак, мари йылмыш кусарыме тропарь, кондак ден моктымашым печатлена. Йоратыме святойнам шочмо йылме дене моктен мураш тек изирак пöлек лиеш.



Тропарь, 1-ше сем

Шўмыштет Юмын нумалше святитель Спиридон, святой ача-влакын Икымше Погынышто тый чот шогенат да öрыктарыше пашам ончыктенат. Колышо ег деч йодын кертынат, кишкым шöртньыш савыренат, святой молитвам мурымет годым тыланет Суксо-влак полшеныт. Священный ачана, тыланет пенгыдылыкым да венецым Пуышым моктена, тыйын гоч чылаштым Паремдышым чапландарена.

Кондак, 2-шо сем

Юмылан йöрышö святой ачана, Христосын йöратымашыж дене чонетым темен, уш-акылетым Святой Шўлышын ўжарашкыже виктаренат, чыла ужын моштымет дене поро пашам ыштыме корныш шогалынат, чылаштан Юмын волгыдыжым йодмет дене Юмын жертвенникше лийынат.

Величаний

Тыйым моктена, тыйым моктена, святитель Спиридон ачана, тыйым пагален шарнена, вет тый мемнан верч Христос Юмынам сөрвалет.



ПРЕПОДОБНЫЙ СЕРГИЙ АЧАНА, МЕМНАН ВЕРЧ ЮМЫМ СӨРВАЛЕ!

Тиде öрыктарыше историйым Свято-Троицкий Сергиев Лаврын насельникше, Троицкий соборын ончычсо смотрительже архимандрит Никодим каласкален.

Чудым ыштыше преподобный Сергей Радонежский деке Троицкий соборыш шуко калык коштеш! Ен-шамыч тышке шке ойгышт, орлыкышт дене элнан чыла верлаж гыч толыт.

Икана соборыш кыдалаш ийготан, күкшö капан пöръем толын да преподобныйын ракыж воктене тунгылгышö гай шоген. Иктажше эскерен ончалеш гын, ты йытыра пöръемын шортмыжым ужеш ыле. Соборым петырыме деч ончыч тудо тысе настоятель архимандрит Николай дене ваш ышташ дежурныйым йодын.

Евгений лүман ты ег ончыч кадровый военный, подполковник лийын. Кок ий ончыч пырля служитлыме йолташыж-влак дене Сергиев Посадыш паша дене толын улмаш. Нуно кас велеш Троицкий соборыш миенит да, настоятель дене вашлийын, тўрлым йодышташ тўнгалыныт. Тудыжо монах илиш да преподобный Сергей ача нерген уло кумылын каласкален. Военный-влак тунам обительным историйын, археологийын да руш культурын ужашыже семын умыленыт, а монах илишын күлешлыкшым чонышкышт шындарен огытыл.

– Собор гыч лектын кайышаш годым мый преподобныйын ракыж деке пöртылынам да, шкаланем шке öрын, шоналтенам: «Святой Сергей, тый чынжымак мыйым колат гын, ик йодмем шукто: мыланем кок ийлан черланаш полшо», – шарнен ойлен ты гана Евгений.

Служитлыме верыш пöртылмекыже, тудо шке йодмыжым веле огыл, Лаврыш мийымыжымат монден. Икмыняр кече гыч трук кылмен черланен, но тидым шотыш налын огыл. Молгунамсе семынак вашке эрта, шонен, а капкыл йўлен, лулегым пресс дене ишымыла чучын, вуй корштен. Кабинетыштыже тудым ушым йомдарен кийышым муыныт.

Эмлымверыште ушыжо пурымек, ош потолокым да ватыжын ойган шинчажым ужын. Пелашыж деке кидым шуаш шонен, но кид-йолжо

колыштын огыл. Евгений ятыр тылзе тарванен кертде киен.

Пелашыж дене пырля тўрлö госпиталь ден эмлымверыште ик ият пелым эртарымек, тудым мöнгыжö колтеныт. Родо-тукимжо ден лишыл йолташыже-влак чапланыше врач ден профессор-влакым ўжыктеныт, вес элла гыч шергакан эмым конденыт, эрвел гимнастикым, шўлымö упражненийым ышташ темленыт, но Евгенийын тазалыкше вашталтын огыл. Ватыже калык медицине нерген книгаг, у деч у рецептым муэден, эмшудым йўктен, тыге марийжым книгаг кучен кертшым ыштен.

Ик рушарня эрдене Евгенийым тугай кугу шўлык авалтен, чылажат ужмышудымо лийын. «Господь, чамане мыйым, чыла тидым умбакыже чытен ом керт!» – чон йöсын кычкыралын да уло йўкын шортын колтен. Ватыже куржын толын, пелашыжым öндалын да пырля шортын, вара каласен: «Таче Кугече кече, мый черкыш миен толам».

Черке гыч тудо куаныше пöртылын, Юмын литургий, молебен да батюшка нерген йывыртен каласкален, святой-влакын илишышт нерген книгаг, Евангелийым конден. Комышто ырес улман книгаг Евгений кидышкат кучен огыл, вет ырес тудлан колымашым ушештарен.

Вес шуматкече кастене пелашыже адак черкыш каен. Пуста пачерыште Евгений шкет кодын, чон лушкымеш шортын. Вара ўстембачын «Преподобный Сергейын, Радонежысе Чудотворецын илишыже» книгаг налын, сўрет-влакым ончен киен. Ожнысо кў пырдыж, купол-влак, святойын мощыжо... «Сергий, Сергей... Мый вет тушто лийынам!» – шарналтен Евгений тунамсе шошо касым, монах-влакым, святойын колоткаж ўмбалне лампаде-влакын чолгыж йўлымыштым.

– Евгений, – эркын ўжмö йўк пылышыжлан шоктен. «Пелашем омсам петыраш монден докан, тебе ала-кö толын», – шоналтен Евгений. «Кынел, Евгений, тый таза улат!» манмым колын да кровать воктене ош пондашан, кужу шем вургеман ег шогымым ужын, но кö улмыжым пален кертын огыл.


– Кынел, Евгений, тый ынде чылт таза улат! Кок ий ончыч мом йодметым шарнет? Таче лач кок ий темын, – шинчашкыже тўслен ончен, ласкан ойлен шонгыен, шкеже омса велыш эркын торлен.

Уло капше вий-куат дене теммым шижын, Евгений вакшыш гыч кынелын, но пачерыште нигöат лийын огыл. Омсам пелашыже тўжвач петырен коден. Öрмаш!

Черке гыч ватыжын пöртылмö годым Евгений кўвар ўмбалне сукалтен шинчен, ончылныжо почын пыштыме книга киен. «Ала кровать гыч камвозын» манын, ватыже ончыч лўдын колтен. Марийжын волгыдо ончалтышыжым ужын, шкеат воктеке сукалтен. Книга гыч нунын ўмбака святой Сергей тўткын ончен.

– Преподобный Сергей ачана, мемнан верч Юмым сөрвале! – коктынат шортын кумалыныт.

Елена ШТАНЬКО возен налын



ИЛЫШ УРОК

Школлаште тунемше-влак парт коклаш шинчыныт, у тунемме ий тўналын. А мый школысо урок нерген огыл, илыш урок-влак нерген шонкалем. Нуным мылам Господь Шкежак эртарам. Иктыж дене лудшымап палдарем.

Икана «ВКонтакте» сетын уверже-влакым шерын шинчылтмем годым поро кумылым ончыктышо ик фондын возымыжым ужым. Тиде фонд священникын самырык пелашыжлан полшаш йодеш. Мый палемдыме ссылке почеш пуршышым, тушто матушка нерген утларак пален нальым: тудым рак чер деч утараш маным, операцийлан оксам писын погат.

Каласен кодынем, мый кеч-могай оксам налап гынат, тушеч лу процентшым кажне гана поро пашалан пуаш тыршем: я черкыш пуртен пуэм, я нимодымо еглан кучыктем. Шкаланем ситыше окса кодмым умылымекем, пешыже ом шалатыл.

Интернетште уверым лудмем жаплан лач шкаланем тылзе мучко илен лекташ ситыше оксам веле ыле, но фондын сөрвалымыже чонышкемак логале. Кугу ойгыш логалше самырык ўдырамашлан мыйынат моткоч полшышем шуо, адакше сайтыш шындыме фотосўретыште тудо мўшкыран шога. Тугеже, шоналтышым, эн шагальше – ик йочаже садак уло. Сандене банк картыкчем гыч оксам колташ кумылангым. Шкаланемже моткоч шагал кодмым да монь шотыш шым нал – Господь окса деч посна садак огеш кодо! Поро пашамлан эше ешарен пуа: тиде илышыштат, весыштат. Господь деч пўлекым налшашемлан куанен, оксам колташ тўналым. Чын, нальым... Тольык пўлекым огыл, а

сангамлан «мугылым»!

Фонд лўм дене возышо-влак тыгай йўн дене калыкым толен илыше-влак лийыныт улмаш! Оксам колташ тўчен шинчынем жапыште нуно мыйын банк приложенийсе личный кабинетышкем пуреныт да картыкысе чыла оксам шкаланышт кусареныт. Да туге моштен, эсогыл банк пашаен-шамыч осал паша шукталтмым умыленат огытыл, сандене операцийым чарен шогалтен огытыл. Мый банкыш йынгырташ тўналым, а тушто «Ме нимом ыштен огына керт, те шке енгым пуртенда» маным гына каласышт.

Мемнан илышыште нимо тыглай огеш ышталт. Тиде ситуацият келшен толмаш гына лийын огыл. Тудо мылам пеш кугу урок. Урок, кудо пенгыдын оила: «Юмылан энгертен, шкеже шоналтыде ыштышаш отыл!» Юмо поро пашатлан мом-гынат тылат тўлышаш, мом-гынат пўлеклышаш маным шонен, Тудым парыман егыш лукман огыл!

Шке оксатым шотдымым кышкылтмым чарныман. Чын, полшаш кўлеш, но шоналтен да кертмет семын. Тый ты гана иктажлан полшенат гын, да ынде оксат шкаланет ситыше гына кодын гын, ўнгышылыкым ончыкто да «Кызытеш полшен ом керт» маным каласе. Тыгеат ыштен моштыман.

Тыгай куштылго койышемлан Юмо деч прощанийым йодым, Тудын эрыкше почеш лийже да оксамым пўртылташ полшаш чот сөрвалышым. Лишыл егем-шамычымат мыйын верч Юмым сөрвалаш йодым. А шкеже мом керттым – тудым ыштышым: мошеник-влакын могай фонд лўм дене возымо фондыш лектым, мутланышым (мыйын семын шуко ег ондалалтын улмаш), банкыш, Генпрокуратурыш серыш-шамычым возышым. Мошеник-влакын фонд лўм дене калыкым толымышт нерген раш каласкалышым.

Эше святой Николай Чудотворецлан чот кумальым. Лишыл егем-шамыч пенгыде энгертыш лийыч: ой-кагаш денат, окса денат тиде нелылык гыч лекташ полшышт.

Господь мылам кугу урокым эртарыш. Тыгодым Шке полшыж деч поснат ыш кодо. Икмыняр жап гыч банк мылам чыла оксамым пўртылтыш! А правам аралыше орган-влак тергымашым эше умбакыже эртарат, тыгай паша вашке огеш ышталт.

Господь ушым шындыш мылам, да йўратыше да мунло Ача семын Шке порылыкшым ончыктыш, ойгеш ыш кодо. Тау Юмылан!

Екатерина ХАРЧЕНКО



Пўртен старец деке миен да вуйым шийын:

– Бачышка, ачам ден авам чарныде вудыматат, эре шортыт, ласкан илашем эрыкым огыт пу. Шонгеммышт семын ушышт каяш тўналын ала-мо? Ындыже чытенак ом керт. Ала нуным шонго пўртыш илаш колташ?

– Умылем, тылат куштылгак огыл, – нелын шўлалтен старец. – Но шоналтен ончо-ян: шепкаште кийымет годым тят, очыни, йўдшў-кечыже нюсленат, йўкынат шортынат? Тунам эше шоненжат моштен отыл дыр? А ачат ден ават тыйым кидышкышт налыныт, шыман вует гыч нялталканыт, уло чонышт дене йўратеныт. Тый денет чыла сай лийже маным, нуно илышыштым пуаш ямде лийыныт. А ынде нунылан тый мо дене тўлынет?

ПН	ВТ	СР	ЧТ	ПТ	СБ	ВС
30	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31	1	2	3

🟡 - пища с растит. маслом
 🟢 - пища без растительного масла
 🐟 - разрешение на рыбу
 🍖 - скоромная пища без мяса
 🍷 - разрешение на икру
 🍷 - разрешение на вино
 🚫 - воздержание от пищи
 🟡 - сплошные седмицы
 🟢 - постные дни
 🟡 - особое поминовение усопших

4 – Святитель Димитрий Ростовскийын кечыже.
 6 – Москосо святитель Иннокентийын кечыже.
 8 – Преподобный Сергей Радонежскийын кечыже.
 9 – Апостол да евангелист Иоанн Богословын да Моско ден уло Российын патриархше святитель Тихонын кечышт.
 11 – Радонежысе преподобный Кирилл ден Мария

ОКТАБРЬ. ЧЕРКЕ ПАЙРЕМ

схимонах-влакын да Юмылан йорышо кугу княгиня Елисаветан кечышт.

13 – Святитель Михаилын, Киеввысе икымше митрополитын, кечыже.

14 – Юмым Шочыктышо Эн святой Аван Леведмыже лумеш пайрем.

15 – Праведный воин Феодор Ушаковын кечыже.

17 – Гурий Казанский ден Варсонофий Тверской святитель-влакын кечышт. Озангысе святой-влакын погынышт.

18 – Москосо святитель-влакын кечышт.

19 – Апостол Фоман кечыже.

23 – Оптинысе преподобный Амвросийын кечыже.

26 – Юмын Аван Иверский

иконыжын кечыже.

27 – Тўнямбалысе 7-ше Погынышто лийше святой ача-влакын кечышт.

28 – Ковровысо святитель Афанасий исповедникын кечыже.

30 – Марий кундемысе священномученик Анатолий Ивановскийын кечыже.

Пектубай селасе Христос Шочмо лумеш черкын пайремже.

Безбожник-шамычын арамак орландарен пуштмо але казаматыште кучымо чыла православный христианым шарныме кече.

31 – Апостол да евангелист Лукан кечыже.

МЫЙ ЙҮДШӨ-КЕЧЫЖЕ ЮМЫМ СӨРВАЛЕМ

Өрдыктө, пич чодыраште, кумалын илыше шонго отшельник деч икана йодыныт:

– Кузе тый эре шкетын илен кертат? Ег-шамыч дене ужын кутырымет ок шу мо?

– Шкетын илем манын, те йонгылыш лийыда. Мыйын кок варашем уло, арыслан ден кроликем кокыт дене, кишкем, осёлем икте гыч да эше мыйын ик лев уло. Вараш ден арслан-влакым порылан туныктыман, кок кроликым эре кепшылтыман, кишкым сорлыклыман, осёлым пашалан кумыландыман, а левым эре лыпландарыман, – шыргыжал вашештен шонгыен.

– Но ме тыйын воктенет ны янлыкым, ны кайыкым она уж. Мо нерген тыге туштен ойлет? – адак йодыныт ег-влак.

Отшельник нунылан умылтараш тўналын:

– Нине янлык ден кайык-влакым ме тўжвалне огыл, а шке кўргыштына ашнена. Кок варашем мом ужыт – чылаж декат кержалташ ямде улыт. Тиде сай але уда, пайдале але лўдыкшө – нимат ойыркален огыт мошто, нунылан эре иктаж-мом ончаш лийже. Тогдайышда докан, кок варашыже – тиде мемнан шинчана. Нуным поро ден осалым пален мошташ туныктыман.

Арыслан-шамыч шке кўчышт дене куш логалыт, чыла локтылын, пудыртен але сусыртен кертыт. Нунымат поро пашам ышташ, еглан полшаш да служитлаш таратыман, вет нуныжо мыйын шкемынак кидем улыт.

Кок кроликшым лыпландараш тыршем гынат, йоршын ласкан илен огыт мошто, эре тынге-тунге тўрштылыт. Амал деч посна ынышт тургыжлане манын, нунын денат пашам ыштыман. Тидыже вет мыйын кок йолем улыт, нунымат нелылыкым



сенаш туныктем.


Эн кугу нелылыкым кишке деч чытем. Тудым пенгыде четлыкыш петырем гынат, чактарен керташ пеш йөсө: кеч-көмат вигак чўнгалын да аяртен кертеш, нигөм ок чамане. Тиде мыйын йылмем, сандене тудым эре эскерыман. «Йылметым чот кучо» манын, ожно арам огыл ойленыт.

Осёл пеш ўскырт вольык манын, чыланат палат. Иктаж-мо ок келше гын, сай пашам ыштымыж годымак тўнгын шогалеш, тунам кеч кыре, кеч вурсо – нимо денат тарватен от керт. А тидыже вет мыйын капем, тудымат паша дене туржман, вянгдыман.

Кўргыштем вераншелешкенжым эн чаплылан да чыла кертшылан шотла. Тудо кугешнаш да моктымым колышташ йөрата, шкенжым кугыжа шотеш ужын, нигөм ынеж шотло. Шкем гына йөратымаш – тиде мыйын эн кугу ойгем, тудын дене чот кучедалман.

Мыняр шуко пашам уло, ужыда? Ёмыр мучашке шумо деч ончыч нуным кеч изиш сенген керташ манын, мый йўдшө-кечыже Юмым сөрвалем.

КУАНЫЧИАЛТЕНА



ЮМЫН АВА

- Чевер ўжарала волгалтын волет,
- Эн шерге Яндар Поро Юмын Ава.
- Кече семын шыман вўчкен ырыктет.
- Чыла чонан Тыйым мокта, сўрвала.
- Илет ош каваште, пеш кўшнў, тораште,
- Шулдыран суксо-влак полшат Тыланет.
- Кертат савырен кочо ойгым куанышке,
- Вашке полшымет ден(е) чер деч паремдет.
- Эреак Яндар Ўдыр, Юмын Ава,
- Тўням утараш ыштенат Юмын Эргым.
- Ушаным, куаным сўрвален йодына,
- Яндарын илаш пу Тый вийым, куатым.
- Мемнан верчынат Эргетлан кумал,
- Иисус Христосын Эн сай Аваже.
- Порылыкет дене чылам леведал,
- Утарыше Юмын Эн чапле Аваже.

Лариса ЯКОВЛЕВА,
Морко район, Арын села

Парикмахер пўрўенгын ўпшым тўредмыж
Годым туддене Юмо нерген мутланаш
тўналын:

– Юмо уло гын, тугеже кушеч тынар нужна енге? Кушеч тынар тулык икшыве, тынаре сар? Юмо чынак лиеш гын, ойгат, нелылыкат, черат огыт лий ыле. Чыла тидым ужмеке, йўратыше Юмо уло манын шонаш йўсў, сандене Тудын улмыжлан мый ом ўшане.

– Паледа, мом тыланда каласем? Парикмахер-влак ош тўняште уке улыт.

– Кузе тыге? – ўрын ўп тўредше енг. – Теве

иктыже ончылныда шога.

– Уке, нуно укеак улыт, а лийыт гын, теве тиде пўрўенг гай кушкын пытыше ўпан да кушкын пытыше пондашан уремыште огыт кошт ыле, – парикмахерский ончыч эртен кайышым кидше дене ончыктен пўрўенг.

– Ну, пагалымем, пашаже парикмахерыште огылыс. Тыгай енг-влак шкешт мый декем огыт тол.

– Вот шол! Мыят тидымак ойлем! Юмат уло! Тольык енг-влак Тудым огыт кычал, Туддеке огыт мий, сандене тўняште тынар шуко нелылык да ойго шарленыт.

"ШЎМ-ЧОН ИЗОЛЫК" МАРИЙ ПРАВОСЛАВНЫЙ ЖУРНАЛ

Учредитель: "Руш Православный Черкын Йошкар-Оласе да Марий Элысе епархийже (Московский Патриархат)" религиозный организаций.

Журнал зарегистрирован Управлением Федеральной службы по надзору в сфере связи, информационных технологий и массовых коммуникаций по Республике Марий Эл, свидетельство о регистрации ПИ № ТУ 12-0164 от 12 декабря 2013 года.

Тираж: 1500 экз. Формат - А-4-12. Заказ №

Журнал лекме жап - 07.09.2024 ий.

0+ - знак информационной продукции согласно ФЗ от 29.12.2010 г. №436-ФЗ.

Журналым редакцийште погымо да верстатлыме. "Стринг" ИПФ ООО-што савыктыме. Адресше: 424007, Йошкар-Ола, Строитель урем, 95, 101А корпус, 12-12А пўлем.

Редакцийын да издательын адресышт: 424000, Йошкар-Ола, Вознесенский урем, 81, 224-ше пўлем.

Тел.: (88362) 45-39-54.

E-mail: marlagazet@mail.ru

Тўнг редактор: Н.В. Чузаев (протоиерей).

Редакционный совет: И.А. Сапаев (иерей), Д.В. Смирнов, А.П. Чемякова, А.В. Эманова.

Компьютер дене келыштарыше: Д.В. Смирнов.

Ак - кутырен келшыме почеш. Авторын да редакцийын шонымашышт тўрлў лийын кертыт. Серыш-влак мўнгеш огыт колталт.

**РЕДАКЦИЙ ЙОДЕШ: ЖУРНАЛЫМ ШАЛА
КЫШКЫЛТАШ ОГЫЛ. ЛУДЫНАТ - ВЕСЫЛАН ПУ!**